



Inatsisartunut ilaasortaq Aleqa Hammond, Siumut
Inatsisartut

RAIPON-ip atorunnaarsimanera pillugu § 37, imm. 1 malillugu apequtigineqartunut akissut.

Suliap normua 2012-076485
All. nr.

Postboks 1015
3900 Nuuk
Oqa. (+299) 34 50 00
Allakk. (+299) 32 50 02
E-mail: govsec@nanoq.gl
www.nanoq.gl

"RAIPON-ip russit naalakkersuisuinit aalajangerneqartumik suliniutaasa qaammatini arfinilini unitsinneqarneranik aalajangersimanerat pillugu danskit naalakkersuisuinut Naalakkersuisut saaffiginnilersaarpasuleqataaffigalugulu Issittumi Siunnersuisoqatigiinni ataavartumik peqataasartutut suleqatigiinnerput eqqornerlunginnissaa aamma angujumallugu?"

Akissut:

Naalakkersuisut 2013-imi apriliip tungaanut RAIPON-ip suliarisartagaanik Russit Naalagaaffeqatigiivisa Inatsisunik Atortitsinermut Ministeriaqarfiata unitsitsinissamik aalajangiinera ilaatigut Issittumi Siunnersuisoqatigiit pingaarutilimmik suleqatigiinnerannut RAIPON-ip peqataasinnaaneranut sunniuteqartussa qumakulunnartoqartippaat.

Suliaq Issittumi Siunnersuisoqatigiit Haparandami, Sverigemi ataatsimiinneranni Senior Arctic Officialisat akornanni suliarineqarpoq. RAIPON-imik taamatullu russit Senior Arctic Officialiannik (SAO) oqaloqatiginnittarnerit tunngavigalugit ataatsimoorluni oqaaseqaateqarnissaq taakkunani isumaqatigiissutigineqarpoq. Oqaaseqaammi RAIPON-ip Issittumi Siunnersuisoqatigiit sulinerannut russit inatsisunik atortitsinermut ministeriaqarfiata aalajangiinerata kingunerisaanik peqataannginnerata isumaku-luutigineqarnera oqaatigineqarpoq. Peqatigitillugu Ruslandimi SAO ataatsimoorluni oqaaseqaammi, RAIPON suleqatigilluinnarlugu, qinnuigineqarpoq pissusissamisoortumik RAIPON-ip Permanent Participantitut soqutigisaqaqatigiiffiup pingaarutilimmik ingerlatsisinnaangornissaa periarfisseqqullugu.

Ataatsimoorluni oqaaseqaammi taamatut RAIPON-imut piunasaqaateqartoqangilaq, kisiannili russit SAO-iannit aqqiagiinnigissuteqarneq annertusinaveersimatinniarlugu naleqquttumik iliuseqarnissaq siunertarineqarluni. Oqaaseqaatissaq akuersissutigineqalersinnagu RAIPON-imut saqqummiunneqarpoq. RAIPON-ip oqaasertasaanut siunnersuutaani ilanngunneqarpoq russit SAO-iata suliamut akulusimanera "RAIPON suleqatigilluinnarlugu" pissasoq erseqqissarneqarlunilu soqutigisaqaqatigiiffiup

akueriniangikkaa allanit namminiunngitsumit sinniisoqarnissani.

Suliap siuliinisut suliarineqarnera suliap pissusissaatut naleqquttumik suliarineqarnissaanik kissaateqarnerup kiisalu Russit Issittumi Siunnersuisoqatigiit suleqatigiinneranut peqataaginnarnissaannik kissaateqarnerup akornanni oqimaaqatigiissaarinertut isigineqassaaq. Taamaammat oqimaaqatigiissaaraluni iliuuseqarneruvoq pisari-aqartitsineq naapertorlugu nunat akornanni malitseqartinneqartussa. Taamaammat Naalakkersuisut Nunanut Allanut Ministeri oqaloqatigisarpaat Naalagaaffeqatigiit qanoq iliorlutik Rusland annertunerpaamik tatiniarsinnaassaneraat RAIPON-imik atorunnaarsitsineq pilertornerpaamik atorunnaarsinniarlugu.

Inussiarnersumik inuulluaqqusillunga

Kuupik V. Kleist